



Broj: 02-04-12838-4/25
Sarajevo, 18.04.2025. godine

Na osnovu člana 26. i 28. stav (2) Zakona o Vladi Kantona („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i člana 63. stav (2) Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj: 31/22, 8/24 i 13/25), a na prijedlog ministra za boračka pitanja Kantona Sarajevo, Vlada Kantona Sarajevo, na **113.** vanrednoj sjednici održanoj **18.04.2025.** godine, donijela je

O D L U K U

O UTVRĐIVANJU VISINE MJESEČNIH NOVČANIH PRIMANJA ZA PERSONALNU ASISTENCIJU ZA 2025. GODINU

Član 1.

Utvrđuje se visina osnovice za mjesečna novčana primanja za personalnu asistenciju koju ostvaruju ratni vojni invalidi - paraplegičari i ratni vojni invalidi kojima je priznato pravo na dodatak za njegu i pomoć od drugog lica u iznosu prosječne neto plaće ostvarene u Kantonu Sarajevo u 2024. godini od 1.704,00 KM („Službene novine Kantona Sarajevo“, broj: 7/25) uz primjenu koeficijenta za obračun 1,00 (jedan), što iznosi 1.704,00 KM (slovima: hiljadusedamstotinačetiri i 00/100 konvertibilnihmaraka).

Član 2.

Visina mjesečnih novčanih primanja za personalnu asistenciju prema stepenu tuđe njege iznosi:

- 682,00 KM - za ratne vojne invalide sa I stepenom tuđe njege, što je 40% od visine osnovice iz člana 1. ove odluke zaokruženo na cijeli broj,
- 477,00 KM - za ratne vojne invalide sa II stepenom tuđe njege, što je 28% od visine osnovice iz člana 1. ove odluke zaokruženo na cijeli broj,
- 341,00 KM - za ratne vojne invalide sa III stepenom tuđe njege, što je 20% od visine osnovice iz člana 1. ove odluke zaokruženo na cijeli broj.

Član 3.

Sredstva za realizaciju ove odluke se planiraju na odgovarajućoj poziciji Ministarstva za boračka pitanja Kantona Sarajevo 614200 DAM024 „Mjesečni transferi boračkoj populaciji“ - program „DAM0245 Personalna asistencija za RVI-de sa pravom na njegu i pomoć drugog lica“.

Član 4.

Stupanjem na snagu ove odluke, stavlja se van snage Odluka utvrđivanju visine mjesečnih novčanih primanja za personalnu asistenciju za 2024. godinu („Službene novine Kantona Sarajevo“, broj: 12/24).

Član 5.

Ova odluka stupa na snagu danom donošenja, primjenjivat će se od obračuna za mjesec april 2025. godine do donošenja odluke za narednu godinu i objavit će se u „Službenim novinama Kantona Sarajevo“.



PO OVLAŠTENJU PREMIJERA

ministar Omer Osmanović

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za boračka pitanja Kantona Sarajevo,
5. Za objavu u „Službenim novinama Kantona Sarajevo“,
6. Evidencija,
7. A r h i v a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba